



宜黃縣志卷十一

風俗志

戴記言天地有寒暖燥濕之異氣民生其間因有剛柔輕重遲速之異齊入國問俗有由來矣

國家久道化成薄海同風而民間日用儀文節目亦有囿於風土而不能相通者焉宜邑地瘠民貧易於嚮義故有素樸之風而無豪華之習今採摭前人所論及目前士庶所通行者著於篇

隋志云豫章之俗頗同吳中其君子善居室小人勤耕



稼臨川之俗又頗同豫章

曾文定公擬峴臺記云其民樂於耕桑以自足故牛馬牧於山谷者不收五穀之積於郊野者不垣而晏然不知枹鼓之警發召之役也

周必大登科記云撫之邑屬非特地大人庶冠冕一路而文物盛多亦異他邦

黃勉齋云山川風俗之美名儒巨公彬彬輩出故家遺俗皆知尚氣節畏清議又喻俗文云民秀而能文剛而不屈

黎淳松圃亭記云瓌水峙山高曠明麗扶輿清淑之氣特鍾於人

鄒槃儒學新田記云宜黃素號多士遭世休明風化陶淬儒學日盛絃歌洋洋達乎四境

府志載風俗集說云宜黃富者惟積用穀粟鮮有貨寶貧者勤力作習工藝而所重者惟業儒審其所重其如科目所由盛之故乎

譚襄敏公縣城記云其地僻其土腴瘠半其俗男耕女織士服詩書敦行誼人不知商賈末作故無偷盜屬很

後靡之習稱易治焉

藍戶部朱侯去思碑云邑介臨崇之間山勢盤鬱峭崿  
水清以駛田不滿十萬有竹木麻葛之饒其俗丁男耕  
牧女織麻泉商通楮布於四方民以給足無他望其士  
多特立好讀書吟嘯泉石不崇虛譽不樂仕宦干進大  
都民俗儉樸有陶唐之風

邑中十室之聚必有蒙塾殷實之家必有學田

族有積穀里有社倉義倉而城鄉堡米之法尤良凡同  
堡有穀之家每值歉歲青黃不接各量力酌定日期輪

流碾米減價平糶貧戶按丁口持現錢量米均以現年  
住居有穀之戶應糶者幾家艱食之戶應糶者幾家酌  
定章程自行輪糶出荒而止次年力有厚薄居有遷徙  
各照新規不以上年爲成例無經手侵冒之患無倉貯  
出入之勞較義倉社倉尤無流弊

城市村鄉來往路徑多石砌捐貲歲修不廢五里十里  
必有茶亭五月初設茶至九月初止城市中險路全路  
設有路燈每月十七夜點起至次月初七止有茶會燈  
會首事經理

宜黃縣志  
邑山多田少高坡種雜糧山峪成田冬時修治塍溝春  
犁夏耘秋收無曠土曠時平田早收後種蕎麥黃豆油  
菜一歲再收糞溉全資人力

邑無巨商豪富無產之家甚多衣食均能自給  
工作惟竹工最精執藝奔走四方者甚衆

極貧之戶傭工食力不鬻男爲奴僕不鬻女爲婢妾  
邑人安居樂業無富商大賈逐末之事惟苧布斗方紙  
而已

商賈囊橐稍裕不貪利離鄉必歸故土

邑中俗尚質樸飲食衣服必從儉約布帛穀粟而外無  
他嗜好

婦女辟麻緝絲本境出麻稀少貧婦不能買麻以絲一  
筋易麻二筋緝賣度日富家多緝絲自供衣着

昏禮納采問名諸事皆如古禮惟不行親迎及期鼓樂  
用綵轎昇新婦入門三日壻導新婦入廚下亦鼓樂壻  
遣人請女家會親不至則餉以筵席謂之新人茶飯蓋  
用舅姑饗婦之饌餽之外家也

親喪小殮孝子親汲河水沐浴謂之長生水成服後赴

弔者必給白布尺許謂之開孝大殮族親隣友赴奠服  
親子弟燒香三早晚百日期年近族至戚皆來奠除服  
日設奠耐位於神壇子孫卽吉服奉神主人祠戚屬均  
送族人迎於祠卜墓墳塋必石砌若堂無力者必豎石  
碑誌墓謂之簡碑清明冬至祭掃謂之挂紙觀者給餅  
謂之風水餅

宗族必有祖祠族繁者各有房祖祠大族多至數十規  
模必宏整過於第宅各有祀產元旦子姓必至祠拜祖  
孩提均至按丁給爨餼清明自始遷祖以下次序舉祭  
推尊爵或年高者主祀與祭紳士及六十以上老人均  
待受胙宗譜每屆二三十年必修每歲六月六日至祠  
曬譜冬至亦舉祭較清明稍殺

上元前後各於保甲內土神廟作年規會建醮祈年禳  
災壯士擎紙船鑼鼓引道士沿戶入門洒淨祓除不祥  
男婦惟虔如古讎禮端午節前土人舁龍船頭鑼鼓導  
至各戶洒淨如上元龍舟競渡唱太平歌悠揚入聽中  
元前數日城隅神廟以次建醮祭厲張楞絲燈奉神中  
秋前後鄉村迎賽土神大市鎮建太平醮舉端謹老成

之人值首齋宿神壇必虔名爲香頭里人皆敬禮之  
崇陰中元會潭坊中秋會最盛商賈百貨雲集待一都  
河橋有顯惠廟祀隨排太子名曰大公神姓張歷朝均  
有封號十排年輪流接奉香火寓人家祠宇內於八月  
下旬迎賽觀者極盛其在廟每歲不過片刻暫駐而已

宜黃縣志卷十二

土產志

書曰惟土物愛厥心臧土之宜徵地氣驗人事焉宜  
邑土瘠泉清物產不豐多清香可愛之品人勤樹藝  
樂業安居有由然也其來自他省郡非本地所出者  
不錄

穀之屬

稻 有早遲二種原田宜早秈俗云秈米四月栽六月收

紅沙早 不多種

胡瓜早 最佳

救公饑 種後五十日收割不多種

晚粘 山田宜之四月栽九月收紅白並出總以青稈粘為最佳

瘦田白 甘滑清香

稔禾子 四月間於早禾行內插秧俟早稻收割耘之九月始獲

乾禾 近年始有性耐乾每於沙地種之

梨禾米 白粒圓長農家謂種之令田瘦且性寒人不多食故不多種按篇海載粳稻穀各有黃青白三種又本草載白粳味甘性寒無毒除熱益氣今以二說証之俗云梨禾米者疑即白粳也

糯肥田 宜之四月栽九月收有紅殼白殼二種白殼者佳

二遍糯 六月早禾收後復犁田栽秧亦於九月抄收穫

麥之屬

大麥 小麥 莠麥

粟之屬

膏梁粟 鷄腳粟 狗尾粟 金豆子粟 俗稱包粟

芝麻

菽之屬

黃豆 黑豆 青皮豆 大赤豆

赤小豆 豇豆 菜豆 蠶豆



田勝黑豆 最佳  
刀豆  
珍珠豆

蔬之屬

菘菜 味辛香  
葵菜 葉似一丈葵味甘香可愛

菜菔 根似竹鞭葉如竹葉心空味清夏秋佳品

匙調白 黃芽白 莧菜 豆角

菠稜 土名紅嘴 綠鸚哥 扁豆 同蒿 蒿苳

黃麥菜 川芎菜 豆芽菜 蕨 根可作粉

薑 蔥 蒜 韭

薑 辣椒 水黃 乾蕓

芹菜 苕蓮 茅薺 柳子菘

蔬之屬

版薯 味甘而香 稍瓜 版蕓 紅白二種作粉曰漂粉

南瓜 絲瓜 土名紡線 甜瓜 茄子

王瓜 苦瓜 西瓜 北瓜

壺 蕪子 冬瓜

果之屬

桃 梅 李 梨 種類最多

青消梨 謝花甜 六月消 藕

菱角 蓮子 荸薺 石榴

枇杷子 櫻桃 蒲萄 大栗

茅栗 勾栗 棗子 柿子

山查 落花生 榛子 松子

梧桐子 橘 柑 橙

金橘 銀杏

木之屬

松 鴨舌松 千年松 栢

側栢 桑 榆 柳

梧桐 楊 杉 棕

椿 樟 杞 梓

檀 楓 柞 栲

槐 株 棘 柳

冬青 黃楊 鳳尾焦 木棉

竹之屬

大竹 笙竹 實竹 白竹

苦竹 紫竹 儀竹 慈竹

觀音竹

花之屬

蘭蕙

珠蘭

紅梅

臘梅

牡丹

芍藥

紅茶

白茶

丹桂

黃桂

紫薇

薔薇

芙蓉

海棠

蜀葵

薔桐

紅蓮

白蓮

梔子

棠棣

鷄冠

鳳仙

綉毬

醜醜

金沙

金鳳

金燈

玉簪

長春

麗春

絳桃

木筆

紫荆

瑞香

凌霄

含笑

茉莉

月季

千日紅

老少年

夾竹桃

剪秋羅

洛陽錦

秋海棠

紅菊

黃菊

藍菊

五色菊

鐵線蓮

千層石榴

夜落金錢

虞美人

草之屬

書帶草

苧麻

鳳尾

鷄腳草

宜男草

薜荔

白茆

木錢頭

香芸

蘋

藻

藥之屬

沙參 丹參 蒼朮 黃精

石斛 產獅石者苗短而肥根結而盤 狗脊 菖蒲

牛膝 甘菊 欬冬 紫苑

旋覆花 馬兜鈴 百部 半夏

南星 栝蒌 夏枯 藁本

柴胡 前胡 葛根 荆芥

紫蘂 薄荷 木賊 蒼耳

秦艽 稀莖 威靈仙 鉤藤

青葙 芍藥 生地 何首烏

牡丹皮 續斷 骨碎補 益母草

澤蘭 艾葉 凌霄花 大小薊

卷栢 白茅根 苧根 常山

車前 燈草 瞿麥 扁蓄

天仙籐 地膚子 茵陳 香薷

青蒿 淫羊藿 覆盆子 使君子

香附 金銀花 蒲公英 紫花地丁

金絲籠 土名七葉一枝 八角蓮 金線吊葫蘆

牛蒡子 山慈姑 蓖麻子 白頭翁

王不留行 白薜皮 葶薺 土茯苓

旱蓮草 馬鞭草 青箱子 穀精草

枸杞子 地骨皮 女貞子 楮實

桑白皮 桑寄生 梔子 猪苓

黃栢 枳實 枳殼 厚朴

槐花 苦棟子 蔓荊子 辛夷

郁李仁 金櫻子 烏藥 五加皮

椿白皮 榆白皮 烏柏木 皂角

花椒 水楊柳 桃仁 橘核

青皮 山查 枇杷葉 枳椇子

榧子 蓮鬚 芡實 火麻仁

薏苡仁 胡荽 神麴 山藥

百合 萊菔子 白芥子 蔓菁子

薑薑 瓜蒂 柿蒂 滑石

穿山甲 疆蠶 蠶砂 桑螵蛸

蟬蛻 蠟 蟾酥 牛黃

羽之屬



龜

鼈

蚌

田螺

鮫鯉

蟲之屬

蜻蜓

促織

蟬

螳螂

蚱蜢

蜘蛛

螞蟥

石螭

土螭

蟾

蛙

金石之屬

鐵

紅石

麻石

斧腦石

貨之屬

綿綢

葛布

夏布

斗方紙

牛膠紙

藍靛

烟葉

菜油

桐油

柿油

棉花油

芝蔴油

茶油

石灰

煤炭

蜂蜜

磁器

竹器

籐枕

水筆

磚

瓦

棉花

茶

仙人掌

鈎籐茶

白毫茶

觀音茶

宜黃縣志卷十三

兵衛志

宋有禁軍有廂軍分忠節武雄効勇牢城等指揮營後知府黃炳復創馬步旗軍等寨俱入節制兵額多寡不齊設兵馬都監監押等官以職統馭有都衙等教場以時操練在各縣則有弓手尉司統之在鄉寨則有弓兵巡檢統之

元舊漢軍合本路新附軍馬爲翼萬戶府分爲八翼至元初移處州軍鎮撫復建處州翼萬戶府設達魯花赤



萬戶副萬戶鎮撫經歷知事提控案牘各一員所屬有千戶所設正副千戶百戶無定員吏目彈壓打鷹頭目各一員而營寨俱仍宋舊

明初建撫州衛尋改爲守禦所官如元制有正千戶副千戶百戶鎮撫吏目等官萬曆二年添設總司守備一員爲撫州營崇禎七年復於樂安置標外營例以巡撫標兵置把總一員又分撫營兵於招攜設招攜把總一員其後所職專司漕運而軍額日蹙寄操城守聊應故事營兵皆募土著尺籍半虛調遣駐防皆不足恃矣官稽軍制洪武初二千二百八十四名新收發充終身并寄操等項共三百九十四名陸續開除逃亡改調取回并沙漠故絕釋放新軍外實在操守軍一百九十三名運軍七百八十一名其所職皆軍功世襲操守城池官有常俸軍有口糧更相襲替至永樂初撥所官領軍八百零五名開墾江南池州建德屯田三萬餘畝歲徵屯糧銀一千九百五十兩三錢五分八釐又建德安仁餘千三縣補軍糧銀共四百零二兩八錢六分六釐遞解本府以濟運費今解司道其官軍遂世居屯爲運軍後

有新功襲調及原留守城者世遂居撫不食屯為操軍  
又舊兵制撫營精兵共八百一十八名臨川縣一百九十四名金谿縣

一百二十二名東鄉縣一百二十八名崇仁縣一百二十七名樂安縣一百二十一名宜黃縣一百一十六名每名工食銀八兩歲以一半守縣一半赴營操練分班  
九錢照縣支給

按季承平日久人不知兵漸與差役等丁已調撫州六  
十九名兵勤王後以寇退中途班回遂留更番於會城

與標兵同訓練仍以各郡兵離省遠留其餉別募而撫  
州六十九名遂汰去矣臨川汰十二名金谿汰十一名東鄉汰十一名崇仁汰十二名

宜黃汰十一名合撫州七百四十九名壬申寇警兵餉  
樂安汰十一名

兩虛倉皇設募鄉兵寇亦旋退知府蔡邦後奉大中丞  
解公檄議善後之策乃復募五十一名為八百名臨川十名

金谿十名東鄉七名崇宜樂各八名而以四百宿撫營以二百駐招撫營  
臨川附郭餘五縣各留四十名共二百名俱仍撫營官

節制樂安新置標外營募兵四百皆宜黃樂安兩邑人  
防守樂安而實與省城標兵相為表裏其兵餉則取給

於各縣裁扣驛遞銀兩而復以廣信錦山等縣協濟  
至官兵奉餉順治九年設分鎮遊擊一員月支俸薪二

十一兩二錢七分八釐三毫中軍守備一員月支俸薪

一十兩九錢四分九釐五毫千總二員每員月支俸薪四兩把總四員每員月支俸薪三兩馬戰兵一百六十名每名月支餉銀二兩步戰兵二百四十名每名月支餉銀一兩五錢守兵四百名每名月支餉銀一兩戰馬一百六十四匹騎征馬二十二匹每匹月支乾銀一兩二錢每年額餉銀共一萬五千七百六十五兩七錢一分六釐五毫三絲二忽一微五纖坐派臨川縣解給康熙十三年七月內撫城失陷城守官兵從逆本年九月大兵恢復仍復舊額馬二步八經創設立官員招募兵目又十五年四郊多壘汎廣兵單懇

恩題奉文改設副將一員左右守備二員千總四員把總八員增添步守兵丁一千二百二十名共足二千一十五員名至十八年地方寧靖全營官兵奉裁撫屬六縣率歸提鎮兩標撥發官兵防守至二十四年二月請設協守奉文准設營制官兵四百四員每月額支俸薪餉乾等銀五百六十兩九錢四分九釐四毫九絲九忽歲共支銀六千七百三十一兩三錢九分三釐九毫八絲八忽仍按季赴本省布政司庫請領每月額支兵米

一百二十石歲共支米一千四百四十石仍逐月赴臨川縣倉支給守備一員月額支俸薪等銀一十兩九錢四分九釐四毫九絲九忽坐馬四匹每匹月額支乾銀一兩二錢共銀四兩八錢千總一員月額支俸薪等銀四兩坐馬二匹每匹月額支乾銀一兩二錢共銀二兩四錢把總二員每員月額支俸薪等銀三兩共銀六兩坐馬各二匹每匹月額支乾銀一兩二錢共銀四兩八錢馬戰兵四十名每名月額支餉銀二兩共銀八十兩戰馬各一匹共四十四匹每匹月額支乾銀一兩二錢共銀四十八兩步戰兵八十名每名月額支餉銀一兩五錢共銀一百二十兩守兵二百八十名每名月額支餉銀一兩共銀二百八十兩 張志云撫郡六邑半在山澤險健時有按明季兵制額設撫州營總司守備一員在城兵目四百復添標外招攜兩營蓋緣宜樂崇界連吉贛汀廣寇盜竊發相延騷動輒見效尤

本朝初特設分鎮遊擊守備千總官兵八百員名分駐各地郡境頗稱寧謐卽順治十一年五仙砦三角山諸寇猝起不煩征調朝發夕滅近以郡屬內地官兵仍如

明制雖曰海內晏然無事兵革但六邑城池專守水陸隘口防汛與夫押送糧餉捕解逃盜地廣差煩頗乏分遣未雨綢繆似未可以銷兵節餉一例論也

府志兵  
衛考

宜黃縣汛今額設外委把總一員兵丁弓箭糧十八名鳥鎗兵十七名共三十五名內存城七門守兵十名官倉前汛兵五名東陂汛兵十名新豐市汛兵十名外委養廉銀一十八兩馬一匹馬糧銀三十六兩草乾在內步戰糧二分銀六兩每兵腰刀一把糧銀十兩零八錢米每名七斗半

額設礮位四座所有器械火藥鉛彈鑼鍋帳房旗幟馬匹俱存撫州營

汛地舊在城北水門外捲雪埧雍正年間改爲理問廳征糧所移建於城內北山之麓屬九江鎮標撫州營管轄

宜邑汛塘三處各塘房瞭樓燉臺等項歷係宜黃縣捐修

宜黃縣志卷十四

武事志

宜邑峯巒迴複徑路僅可通人非有平原廣野可爲  
用武之地惟是閩廣流寇騷擾縣境亦往往被其殘  
破但么膺肆虐旋即掃除我

朝深仁厚澤寰宇乂安自康熙丙辰後至今百數十年  
斯民不見兵革之事久矣

宋理宗紹定三年庚寅春汀寇入宜黃焚崇仁郡城大  
震帥府遣遊軍來援兼檄鄧傅二社兵暨坊團義兵登

陣設備賊遁閏二月復犯金谿南境鄧傳兵馳歸逐之

王師踵至賊遂平趙蔡傳

恭宗德祐二年吳俊聚兵廣昌取南豐宜黃寧都三縣

出宋志

元至正十二年壬辰閏三月紅巾自臨江富州城今豐入

撫州監郡完者帖木兒元帥章士謙戰屢捷不能入而

宜黃崇仁樂安焚劫幾盡金谿被害尤慘葛元品鄧烈傳

十三年臨川民胡志學鄧和崇仁民杜四熊三劉世英

等攻劫不已參政朶歹師久無功朝廷命廉訪使吳當

兵部尙書黃昭招捕十六年丙申廉訪使吳當調檢校

章迪率本部兵與黃昭夾攻撫州殺首寇胡志學進兵

復崇仁宜黃於是撫建二郡悉定按涂幾章迪傳迪字允德臨川人實專軍

務後竟為叛逆誣構以功受戮時論寃之

明嘉靖辛酉廣寇林朝曦等三掠縣境居民竄匿山谷

多被焚劫崇賢鄉荷溪李孟三率鄉兵格戰殺賊三十

餘人賊衆三千大集孟三等八十餘人殲焉焚燬民居

二百餘掠老幼三十餘人八月初九有賊四千復至稻

穀費財一空廖坊棠陰被害尤甚巡撫滁上胡公松臨

縣招集民稍安堵時譚襄敏公丁艱在籍胡公延入幕府籌商善後事宜多所施行卽請檄縣丞建縣城而公旋被命奪情赴閩勦賊因陳請舊治台州親練精兵數百隨帶由撫州宜黃取道赴閩所過肅清宜邑全境始得泰然

嘉靖辛酉公適丁父憂回遭廣寇流劫撫建殺掠譚坊慘甚時當事交薦公威名遂起復領浙兵勦賊公自招新兵駐梅坊宦羅峯良久一日候俞將軍遠來甫至梅坊聞公親身衝賊將軍亦不飯躡跡入賊圍與公接應

其奮不顧身如此

載襄敏公遺集

明崇禎五年壬申贛賊數百人從永豐入樂安崇仁宜黃多被焚掠各鄉民兵禦之殺傷相當半月而遁

崇禎十一年戊寅二月寧都人張普微等假佛道聚豐山作亂時有密密教紅紗罩之謠邑人震懼而別聚鉛山之寇已破瀘溪迫建昌矣中丞解公學龍討平之

國朝順治三年丙戌八月原任檢討傅鼎銓往寧都借兵於田海忠不應因集鄉勇破宜黃駐兵樂安原任知州揭重熙聞唐王赴贛州倍道趨贛爲我兵掩擊大潰



收散卒攻破撫州中軍洪深沒於陣兵士僅存千人退

次王洞

雜記

順治七年庚寅贛寧賊首萬先鋒突至麻坑都中社兵斬賊百十餘級解送巨侯王公辛卯春賊弟萬寧復仇社兵奮勇擒獻正法九月賊黨九龍精統萬餘人來社兵殺賊無數然餘黨未盡巨侯命設隘守禦時香山僧別號石山樵人會同都中自軍峯迤邐而下詳審禦賊要路由東源人者設大雄關由神岡人者設上隘由上南入者設下隘經始於壬辰正月越二月而工成復往

建昌詠於兵巡道王公王公命麾下包公領馬步兵隨社兵勦滅淨盡包公乃班師兵巡道聞社兵勇銳賞以金帛因以所賞之金置買雲峯寺田產

順治十年癸巳粵寇曾九龍等結黨萬餘盤踞橫石山築流毒撫建諸郡縣大兵屢勦烏道莫入時歐陽玉臺公以前明都督同知隱居玉山寺總督江南江西部院馬巡撫江西部院蔡知其偉畧素著禮請出山專理勦撫乃集練鄉勇協同黃參將九疇帶領官兵密布鎖鑰公單騎入穴計擒渠孽曾九龍管毓峨蕭三才諸寇解

散黨與董曙白等凡四府七縣悉荷更生而撫建東南士民九深尸祝焉

康熙十三年甲寅逆藩耿精忠踞閩叛遣僞將易明攻撫州城守遊擊楊玉泰守備王士質從逆七月初六日城陷土賊乘閒盤踞各邑金谿知縣白琬如迎降崇仁知縣陳潛棄城逃宜黃署縣事縣丞劉揚俊脅從樂安知縣郭肇基被害東鄉知縣汪士奇臨川知縣邱泰隨知府王永茂請兵南昌九月正黃旗將軍希爾根鑲黃旗將軍哈爾哈齊正紅旗將軍舒恕統集禁旅分路勦

撫城池先後恢復

府志

據南豐志擾宜黃者樂燦也尤西堂良齋倦藁有懷遠將軍李君威稟誌銘云君少爲宛平諸生雖學書好兵法康熙十三年三藩煽亂總守董公聞公名徵入見題授饒州城守轉撫州君受命不介馬而馳由賊圍中衝突遂復府城時賊離城三里許君駐城外文昌橋下馬明王廟中懸釜而炊宵則露宿值舊兵逃散饋餉不給君招募技勇指倖乞糧手製火炮五百門士氣十倍隨希哈二將軍上七里岡殲閩來楊

宜黃縣志  
寇卽隨舒將軍恢復樂崇宜三縣十五年改授督標  
中軍十六年防禦弋陽調守宜黃堵截樂安修戢城

池

按君威名  
虎號平岡

宜黃縣志卷十五

關津志

吾邑谿谷蟠亘中貫一川不數里卽有橋梁以濟石  
橋則十餘甕三四甕不等小港每建畧約或石墩架  
木寬平有欄檻如石橋式或僅架木楹初夏水漲撤  
橋設渡秋杪更作不數日而成無橋處有義渡往來  
者不必給錢贖金爲會經理不廢

附城橋渡

貫虹石橋

在大東門外舊有東門渡萬曆  
丙辰邑侯馮舜臣始建自爲記

宜民橋

在丁家洲今廢

捲雪石橋

曹水流其左出豐樂橋下明萬曆甲寅水漲穿路為渠遂構石橋葛仁美有記今廢

立義木橋

在迎恩橋東宋淳熙辛丑重修長百餘丈凡四十八架亦名百丈橋今廢周夔若有記

招福橋

上東門外

蔡家橋

在北關外

迎恩橋

在北關外邑人鄧應元建吳草廬先生有記

則水陂木橋

在邑東棠陰吳氏施

豐樂石橋

即迎恩橋明正德甲戌邑令冉盈重建易今名又名昭愛嘉慶年間邑人集貲重修復議建橋施翁氏族捐施橋東地數畝建迎恩館

黃華橋

在縣南關外架木為之

通濟石橋

康熙年間縣侯黎公大觀率邑人易黃華木橋為石甃乾隆乙巳重修

顧民橋

在小東門外邑侯顧公所有始建木橋康熙間邑侯李公應高復建乾隆甲辰改建石墩

迴瀾渡

在獅石下

崇賢鄉橋渡

馬停橋

明歐陽振鷺建自為記

澗源石橋

路通崇仁羅姓建

水口石橋

在白槎村外

八十橋

在坪下

大板橋

厚田橋

雷源渡

涂坊渡

已上一都

萬善橋

畢竟橋

在石碧會鳴謙建

逸龍橋

紗帽橋

在庵溪

黃藍橋

雙鳳橋

在庵溪鄧方來同鄴人建

石黃橋

在鹿塘

陟華橋

徐明宇建詹爾選有記

揖雲橋

石碧僧智善造

烏石橋

在庵溪

忠良橋

在高許

港口渡

杏坊津

已上二都

長虹橋

集福橋

七夕橋

太平橋

永盛橋

本都張繼允李順興倡首修建

沙園橋

楓神橋

通元橋

阮家橋

潦埠渡

已上三都

龍岡石橋

墩十二長二十餘丈

羅氏橋

巴口橋

在劍泉街萬曆辛巳里人李蕃高建

白石橋

久圯存二石墩今架木爲之移置上流

蔣家園橋

千金橋

已上四都

金石橋

在水口

仁和橋

馬路橋

已上五都

永遠橋

蓮花石橋  
潭面橋 已上六都

馬頭陂橋

集善石橋

阜安石橋

土橋 今砌石 已上七都

石頭橋

信樂橋 已上八都

廣惠橋 在中田

永固橋 在中田

上善橋

白露橋

惠遠石橋 陰溪熊而達 建今為木梁

鎮頭渡 已上九都

石溪橋

三濟橋 已上十都

樂善橋

黃家橋

董坊橋

畝家橋

羅家橋

石橋 已上十一都

萬壽橋

仙橋

欽潭渡

塘墟渡 已上十二都

贊公橋

在荷溪上游嘉慶戊午 圯於水里人集貲重建

洪門橋

石埠渡

黃公渡 已上十三都

河石廟前橋

鎖銅橋 已上十四都

上乘橋

龍溪橋在龍坪明萬曆間建

令林橋

中和橋已上十五都

鍋爐下橋十六都

石馬橋

永安橋已上十七都

虎溪橋十八都

朱坊橋

雙溪橋已上十九都

永安橋

松岡橋

雙逢橋在東陂城

信樂橋

黃土嶺隘已上二十都

永安橋二十一都

永濟橋齊陽鄧介夫等募建

明鏡橋茶坪劉壽光募建

翠環橋里人張接宗劉曦中募建

同仁橋乾隆年間里人鄧光國建俱二十二都

仙桂鄉橋渡

三虹橋

廟下橋

古塘橋

陳坊橋黃良臣施俱一都

永濟橋

高家渡木橋即廣濟橋有庵俱三都

羊頭木橋仙五都車上邱姓建

蛇嘴石橋

羅畫橋陽氏施王志作羅花橋

娘女橋

店前橋

歐陽氏施

華陽橋 俱五都

大陂橋 黃氏施

陽坊橋 黃彥澄施

花港橋 黃彥澄施

羅帶橋 黃氏施

矮嶺下橋

上源橋 黃彥澄施

楊樹下橋

株山橋 黃氏施 俱六都

觀埠石橋

在棠陰明洪武二年南泉金員人募建嘉慶甲子圯於水邑人捐貲重建教諭汪士誥有記

碓口橋

咸安橋 硤石洪希美建

拱北橋 在硤石中堡

永寧橋 在硤石下堡

永濟橋 洪希美建

龍溪橋 在大坪上

增福橋 在硤石嶺後

時順橋 在硤石水口外宋嘉定庚戌洪恂建名代涉橋順治庚子恂後裔時順重建都人德之易名時順乾隆庚午裔孫周文新

永興橋 在橫岡榮前之間石墩木橋舊名大藍橋有記嘉慶甲子圯於水甲戌里人集貲鉅萬重建石橋高三丈一尺廣二丈長十二丈有奇兩旁石堤係許宏德吳仰川同建

薦元橋

大藍渡 俱八都

湖坪上段渡

關津



龍岡橋

保民橋 在演口吳仰川創造石墩架木長七丈廣五尺俱九都

鯉魚石橋 高五丈六尺長十丈有奇廣一丈六尺

均濟橋

七里關

上隘

下隘

觀音橋

得勝石橋

虹橋

金石橋

俱十都

洪林橋

大雄關

在漳嶺順治辛卯香山僧一照與土人建

甘竺寨

耿逆餘黨流劫神岡應氏築以禦寇為華溪上隘外關俱十二都

廖坊隘

嘉慶癸亥建

望仙石橋

在饒坊

袞袞石橋

在黨口上建觀音亭俱十三都

待賢鄉橋渡

黃陂石橋

邑令黃漳率士民集貲創建石甃有記

株柴石橋

吳坊渡

俱一都

陳坊橋

河橋

鄭太珉施俱二都

陶陂橋

石墩架木鄒太碧等建

古大石橋

在桃溪水口

龍岡橋

鄒太碧等施俱三都

秋桂橋

舊名仙桂鄒太瑛建

譚公橋

士林橋 鄒思賢  
思學建

黃家橋 譚世  
隆建

萬福橋 太學鄒用保  
首建有記

大福橋 乾隆年間太學  
余德萬倡建

柿林渡

玉田渡

絲酬渡 今為萬  
福橋

黃潭渡

高坵渡

余家渡

圓岡渡 俱四都

注公橋

官嵐橋

上保石橋

營溪橋 吳姓施  
俱六都

鳴鳳橋 舊名  
大德

凌雲橋 舊名  
九車

永寧橋 余黃二  
姓建

石頭橋 即楊  
墩橋

嵐嶸橋

龍源橋 劉益敘建  
俱七都

阜民橋

連州橋 會貴  
公建

連山橋 梅邦熙  
公衆建

環英橋 梅氏妻  
陳氏建

古羅橋 梅族  
衆建

將軍寨 在梅  
坊

過亭渡

邱坊渡

大綱渡

許家渡

興福渡

潭口渡

車上渡

協濟渡 梅坊  
後渡

朱家渡

利濟渡 楊坊前渡

連州渡 會賞公建

樹德橋 在待入都河湖長十餘丈通臨宜理道乾

隆壬寅建石墩嘉慶庚午祀於水戌寅改建木橋衆立橋會

宜黃縣志卷十六

驛鹽志

邑南舊有金斗驛久廢文移往來祇有舖司以地非衝要無事置郵也淮鹽水運由縣北境抵城僅四十餘里自縣城以上崇山峻嶺均百數十里舟楫不通陸運赴鄉肩挑脚費及走鹵耗折又加甚焉商運難之以故官引滯銷每厘當事之慮今志舖司名額官鹽引額如左

總舖在治前舖司兵三名

遮山舖兵二名

嶺源舖兵二名

陶陂舖兵二名

長山舖兵二名

搗港舖兵二名

宜邑向例每歲額銷淮鹽四千七百六十九引每五十包爲一引每包重七觔半於嘉慶二十一年本府伊詳請咨 准減額歲銷鹽二千一百九十三引七分四釐

宜黃縣志卷十七

古蹟志

環百里之內山川如故時代遞更其蹟有未泯者足以資殫見洽聞之益公羊子曰所見異辭所聞異辭所傳聞異辭況千百年以前耶然好古之士一物不遺與其過而廢也曷若過而存之

太和塔 在邑東南山廟左尋廢明洪武二年縣令許大明以廢院地易民居廣縣治

一翁亭 在邑東鄒極立有詩

光霽樓 即東城樓馮公舜臣名之

青雲樓 在務前街跨街而立正對學宮櫺星門久廢

仰高樓 元延祐元年縣尹資陽史薦構書樓三間於明倫堂後書儒行篇於壁以勵來學今廢

敬一亭 在儒學啟聖公祠側

放生池 在邑北丁家洲今廢

二水亭

靜深亭 俱在邑北今廢

捲雪亭

深秀亭

萬里煙霞亭

江山一覽亭

俱在鳳山後昔邑人吳氏輟曹水為湖前曰深秀山巔曰萬里烟霞山巔曰江山一覽環鳳山之麓曰瀟湘曰捲雪舊議云水遠捲雪亭宜黃狀元生是也今亭榭雖廢土人尚名其處曰湖裏

石室 在鳳岡書院後鑿石而成高廣數丈上勒名山石室四字

古鴨舌松二株 在鳳岡書院內未有書院先有此松歷數百年今並挺講堂左右枝葉極茂

瑤里廟古樹 南宋時已有之今猶枝葉青茂相傳樹中有大龜大蛇常浴於廟側湖塘內見者必

獲吉祥

射圃 在邑北丁家洲

鞞井二口 俱在邑西西竺庵之右中空如洞深與大河相通

三皇廟久廢吳澄有記

桃源洞在邑西鄒極歸隱故宅舊傳為公遇仙處

翠環亭今廢

仙人石在邑西鄒極遇仙處趾跡尚存

南豐石在邑西城外明季劉鴻臚森易名南華上創仙壇下結書室有亭館臺榭水竹諸勝後俱廢石崖存少湖墩三字少湖森別號也

全真仙境在西城外南豐石上即古長春觀今其地屬邑南鄒益堂創有家塾

鄒非熊故宅在邑西紫山

玉斧泉在邑南一名玉井鄒極置別墅井傍有道人自稱姓呂來索飲醉欲寐公枕以珊瑚枕擲地而

碎袖往井中澆濯如故隨於井上書玉斧泉三字人嚮井頓足則起二泡合成呂字大旱不竭味極甘冽邑中推為第一

雲津亭

瀟湘亭

釣亭

愚亭

萬壽宮

古義井六所

俱在南嶽山後臨溪

在南嶽廟前今廢

在南隅東嶽觀內崇九都鄒朝魁施田創建今廢

一在東隅上市一在普光庵前一在城隍廟前今屬吳氏鑄吳氏井三字一在人坑前一在東嶽廟前

宜黃塲

在附東隅未建縣時立塲於此

迎恩亭

在豐樂橋西明邑令俞世美建後廢國朝嘉慶庚申以修橋餘貲重建改名迎恩館

穗珠泉

小簾泉

在赤松山龍福寺前鄒極晚號赤松子隱居二泉之間

滴水巖

巖深數丈建有神廟

辟火蕉

在圓明尼庵內高丈餘數百年枝葉青葱已上崇一都

小瀟湘

邑人涂立可築亭江阜扁曰小瀟湘又營別於先墓側題曰於斯後改曰塗山庵吳草廬

石靴石傘

俱在玉華山石麓青仙壇上禱雨輒應

石碧

詳山川志郡守張公伯琮書石碧二字字大丈餘刻崖上

龍井

在旱蕨嶺東舊傳有龍隱井中大旱不竭已上崇二都

黃山

詳山川志石壁有山高水長四大字又有黃山九曲四大字相傳俱白玉蟾書

血書法華經

共八十一卷僧大有刺舌端血寫七十八卷而死大方大用大力各刺血寫一卷成之舊有黃山寺見南

豐志 已上崇三都

杜子野故宅

在崇四都

藍市仁里

在崇五都邑侯徐公肇基題

東方朔像贊

晉夏侯湛作唐天寶甲午顏真卿以其文字纖靡辭駁難辨乃作文勒之他石碑在

德州杜子野得之王荆公復為涂院判所得後歸栢林譚氏元時合陂黃司令得碑

創琴樂堂暨之至正壬辰燬於寇

龍池 在妙常觀唐大厯間邑令許渙禱雨於此有黃龍驤首須臾霹靂一聲大雨如注遂為祈禱之所

煉丹井 有田租見南豐志

朝斗壇

誦經臺

仙女池

俱妙常觀內已上崇六都

樂子正公義庄

樂子正公父子以所得賜資置義田數千畝贍族人貧乏歲久子孫轉徙他邑

義田荒廢縣官租稅無出悉沒入之名其地曰樂家庄

仙人橋

明正德間富平寺僧夢青衣童子借經許之越日大雨暴漲上下成湖惟中懸片壤如橋遂成

仙蹟已上崇八都

鄒侍御故宅

溫泉

四季溫暖脈出桑源已上崇九都

樂子正公別墅

即五峰信舍詳書院

樂子正公故宅

石門仙寨

沙井甘泉

已上崇十四都

龍礫寨

在崇十八都侯坊里人侯錠聚義兵禦寇處

游心堂

王幹建杜育德有記

寄傲樓

王公儀立一名寄春李鄂有記



望仙堂已上崇十九都

一溪亭謝奇祿有詩

燕子巖巖深可坐數十人有石竈石甃天然布置已上二十二都

曹坊洞石劉彬有詩

彌陀石有仙人書阿彌陀佛四字於石崖上

朝奉大夫曹錫故宅

敬思堂曹錫建真西山先生扁曰敬思為之記入藝文志

羅漢笠在曹山之巔宋崇寧二年有胡僧笠其上人近視之但存僧笠其製甚異元至羅漢長失之

貝葉經乾德丙寅元證禪師結庵曹山巔貝葉經來藥似前而澤字皆從書不可識墨蹟尚光彩元至

正甲辰失之  
已上仙一都

南安古佛在大鹿寺內邑人鄒非熊知汀州口雕像迎祀竹杖尚存

玉泉井在崖峯下其泉甘美茂早不竭井中水草長青舊名玉芸井郡伯張伯琮過而悅之易以今名已上仙

四都

湖山水閣在湖山寺唐天佑中節度使羅賢施田創建宋嘉祐八年重修

南華玉泉在南華山麓泉味芳冽歐陽真人修煉處已上仙五都

仙人門在君山雙井北

石乳雙泉在嵯圓山中即君山雙井黃氏里居

風雩亭在君山已上仙六都

饒禪師丹井

在仙桂鄉法雲山上相傳井水能愈目疾

高華仙宮

在仙桂鄉黃嶺

高華古柏

在高華宮內劉朝宗有詩

小桃源

即東園在棠陰

飛蟾閣

在棠陰上道庵中羅蛟有詩

芭蕉境

在普光寺一名芭蕉羅近溪書芭蕉境三字尚存已上仙七都

湖坪寨

在仙八都宋設義兵於此禦諸洞賊今廢

臥遊館

在仙十二都應麒別業有臥遊館臨帖行世

混元堂

在仙十三都明嘉靖庚申懷安僧無邊建益王賜扁曰眞空妙湛羅近溪書虛明法界丙寅無

邊復建不二法門以供香火

仙巖

在洞石下數十武內有凌虛亭朝眞石拂霓洞上有朱伯珍勒清理二字吳紹勒讀書堂三字尚存

已上待一都

終養堂

在待四都潭坊鄉世臣奉母譚孺人建羅圭峯記

霍照堂

在白土寺宋慶元乙未僧德元創建

聯奎閣

在白土寺宋嘉定辛未僧文詰創戴隆興慶元兩朝勅書黃希有記

廬溪亭

在與福院宋時建黃鶴有記

白土寺巽廬閣宋銅鐘

宋寶祐四年刺桑譚伯恭鑄重八百斤已上待五都

金紫坊爲劉資明立

大司馬坊為譚襄敏公立

彤庭禮相坊為署丞劉森立

已上在縣治東隅

步雲坊為舉人鄒嵩立

遺址存皇華橋正街

孝感坊為孝子張顯張碩立

鍾英坊為舉人涂祐立

節婦坊為鄒金碧妻立

旌表坊為節婦李時傑妻許氏立

已上在縣治南隅

經魁坊為舉人廖燧立

旌表坊為節婦鄧舜旺妻立

天恩寵錫坊為勅贈鴻臚署丞劉大玩立

進士坊為鄧來鸞立

已上在縣治西隅

繡衣坊為度支鄒極立

都憲坊為譚襄敏公立

延桂坊近儒學今廢

明倫坊正對學宮即青雲樓今廢

已上在縣治北隅

百歲慈闈坊邑令王尙廉爲耆民李山岳母黃氏立

在崇十三都

舉人樂輔坊

舉人樂夔坊

進士呂文質坊

已上崇十四都

進士坊爲紹興甲戌王革立

革卽邑南王氏祖

賓興坊爲王杜立

已上崇十九都

攀桂坊爲舉人曹希升立

在仙一部

步蟾坊爲舉人黃誠初立

青雲得路坊爲舉人黃元立

旌表坊爲尙義黃彥澄立

已上仙六都君山

承恩坊爲棠陰吳餘慶立

畫錦坊爲棠陰禮部員外郎吳起濱立

室表題云  
紹英坊爲棠陰舉人吳允端立

解元坊爲棠陰解元吳炎發立

仙桂坊爲棠陰舉人吳應先立

尙義二坊爲棠陰義士羅守志符大德立

孝子坊爲棠陰生員羅潮立

已上仙七都

旌表坊爲尙義應用翔立

在仙十二都

三世司馬坊爲譚襄敏公祖父立

大司馬坊爲譚襄敏公立

已上待三都

旌表二坊一爲鄉思學思齊立  
一爲鄉大珙大瑛立

在待四都

宜黃縣志卷十八

封爵志

陳

陳慧紀字元方高祖武帝從孫涉職書史負才任氣高  
 祖踐祚封宜黃縣開國侯邑五百戶除黃門侍郎旋出  
 為安吉縣令歷豐兗郢荆諸州刺史四督軍事禎明中  
 加侍中金紫光祿大夫開府儀同三司征西將軍增邑  
 至六千戶入隋依例授儀同三司卒子正平頗有文學

陳書本傳又  
 見陳擬傳

按晉書地理志捲序武帝泰始元年封諸王以郡為國邑二萬戶為大國萬戶為次國五千戶為小國王不之國官於京師宋以來王國置內史侯國置相內史視太守治郡相視令長治縣陳時文帝封臨川王慧紀封宜黃侯皆遙加封號而實未嘗之國也

舊志沿革考引入閩通志陳武帝元年封蕭紀為宜黃縣侯尋又封從孫慧紀為宜黃侯考梁書武陵王蕭紀嘗僭號改年旋為樊猛所殺無人陳受封人祀  
隙別無蕭紀今刪之

